

Russe ontvoer in Mosambiek

Die
Burger
26/8/83

MAPUTO. – Twee Russiese geoloë is in die provinsie Zambezia vermoor en 24 ander is deur rebelle in Sentraal-Mosambiek ontvoer, het Russiese waarnemers eergister hier gesê.

Dit is gister deur Mosambiek se ministerie van verdediging bevestig. Twee Mosambiekse soldate is ook in die aanval dood.

Zambezia is een van die mees onstabiele gebiede in Mosambiek. Rebelle van die Mosambiekse Nasionale Weerstandsbeweging veg sedert onafhanklikwording in 1975 hier teen die Marxistiese regering van pres. Samora Machel.

Die Mosambiekse regering beskuldig Suid-Afrika daarvan dat hy die rebelle steun, maar Suid-Afrika ontken dit.

EKONOMIE

Die rebelle rig hul aanvalle op paaie, spoorlynne, brûe, hawestede en ontwikkelingskemas.

Pres. Machel het gesê die valdtog is daarop gemik om dié verarmde land se ekonomie te vernietig en buitelandse kenners wat die land nodig het vir ontwikkeling, af te skrik.

Verskeie tegnisië, hoofsaaklik van Portugal, is reeds die afgelope twee jaar vermoor of ontvoer. Die slagoffers word gewoonlik vrygelaat ná wisselende periodes van gevangenskap.

Ses Bulgare is laat verlede jaar ontvoer, maar is ná twee maande deur die Mosambiekse veiligheidsmagte gered. – (Sapa-Reuter)